



Adresa: **Ul. Grbavička 4**  
71000 Sarajevo  
<http://www.voda.ba>

tel. +387 33 565-444; 565-404; 565 401  
fax. +387 33 565-423  
e – mail: [jvp@bih.net.ba](mailto:jvp@bih.net.ba); [info@voda.ba](mailto:info@voda.ba)

Broj: UP-I/25-3-40-340-5/09  
Datum: 14.10.2009 godine

«Agencija za vodno područje rijeke Save» Sarajevo rješavajući po zahtjevu «PAPILON» d.o.o. Čelić za izdavanje vodne dozvole za ispuštanje tehnoloških otpadnih voda poslovnog objekta betonare izgrađene u Čeliću, na osnovu člana 109. stav 1. i člana 139. stav 1. Zakona o vodama («Službene novine Federacije BiH», broj 70/06), i člana 200. Zakona o upravnom postupku («Službene novine Federacije BiH», broj 2/98 i 49/99), donosi

### **RJEŠENJE** **o vodnoj dozvoli**

1. Daje se vodna dozvola «PAPILON» d.o.o. Čelić za ispuštanje tehnoloških otpadnih voda poslovnog objekta betonare izgrađene na dijelu parcele označene kao k.č. br. 1376 K.O. Čelić, općina Čelić.
2. Vodna dozvola se daje na osnovu činjeničnog stanja i pod slijedećim uslovima:
  - 2.1. Da se odmah izvrši čišćenje izgrađenih objekta čija je svrha prikupljanje, odvođenje i prečišćavanje onečišćenih voda (objekti za zaštitu voda od zagađivanja: otvoreni kanali za prikupljanje tehnoloških otpadnih voda, postojeći dvokomorni taložnik, kanalizaciona mreža do mjesta ispusta).
  - 2.2. Da se izvrši rekonstrukcija postojećeg uređaja za prečišćavanje (dvokomorni taložnik) u smislu da se prva komora čija je dužina cca 8 m podjeli na dvije komore, odnosno da se formira trokomorni taložnik te da se upust tehnoloških otpadnih voda koje se prikupljaju otvorenim betonskim rigolom i u sadašnjim uslovima upuštaju na kraju prve komore izmjesti tako da se ove vode uvode na početku novo formiranog taložnika, odnosno da se iste upuštaju u prvu novoformiranu komoru. Na ovaj način će se u potpunosti koristiti kapacitet izgrađenog taložnika.
  - 2.3. Da se izvrši izgradnja separatora ulja i masti. Položaj separatora ulja i masti treba biti takav da se omogući nesmetano upuštanje istaloženih voda iz rekonstruisanog trokomornog taložnika u separator ulja i masti, a zatim ispuštanje prečišćenih voda iz separatora ulja i masti najprije ispuštaju reviziono okno (definisano tačkom 2.5. ovog rješenja), a zatim u bezimenu vodotok kao recipjent ovako tretiranih tehnoloških otpadnih voda.
  - 2.4. Objekti za tretman tehnoloških otpadnih voda zahtjevani tačkama 2.2. i 2.3. ovog rješenja trebaju biti dimenzionirani i izgrađeni tako da obezbjede kvalitet tretiranih tehnoloških otpadnih voda prije njihovog ispuštanja u definisani recipjent u skladu sa članom 3. Pravilnika o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno drugi prijemnik («Službene novine Federacije BiH», broj 50/07).
  - 2.5. Da se izvrši izgradnja revizionog okna. Reviziono okno je potrebno izgraditi nakon separatora ulja i masti koji je definisan tačkom 2.3. ovog rješenja, a prije ispusta u definisani recipjent. Ovo reviziono okno predstavljat će okno za monitoring, odnosno mjesto na kojem će se vršiti kontrola kvaliteta ispuštene tehnološke vode (monitoring definisan tačkom 2.10. ovog rješenja).

- 2.6. Da se sklopi ugovor o izvođenju radova na čišćenju separatora ulja i masti između «PAPILON» d.o.o. Čelić i organizacije registrovane za tu vrstu djelatnosti, kao i za čišćenje taložnika ukoliko se materijal (pjesak, šljunak) iz istog neće koristiti u ponovnoj proizvodnji.
- 2.7. Da se izvrši asvaltiranje manipulativnih površina (saobraćajnice – kružni tok) i obezbjedi kontrolisana odvodnja površinskih voda sa ovih površina do novo izgrađenih objekata za tretman tehnoloških otpadnih voda. Prilikom dimenzioniranja i izgradnje objekata za tretman tehnoloških otpadnih voda treba voditi računa i o količinama tehnoloških otpadnih voda koje će se nakon uređenja manipulativnih površina priključiti na objekte za tretman tehnoloških otpadnih voda.
- 2.8. Rok za realizaciju uslova propisanih tačkama 2.2., 2.3. i 2.5. ovog rješenja je **šest mjeseci** od dana primanja ovog rješenja, dok je rok za realizaciju uslova definisanog tačkom 2.7. ovog rješenja **dvije godine** od dana primanja ovog rješenja.
- 2.9. Investitor, odnosno korisnik objekta je obavezan da izgrađene objekte, a čija svrha je odvođenje i prečišćavanje onečišćenih voda (objekti za zaštitu voda od zagađivanja: otvoreni kanali za prikupljanje tehnoloških otpadnih voda, taložnika, separatora ulja i masti te kanalizacione mreže do mjesta ispusta), redovno održava i koristi na način koji će obezbijediti njihovu potpunu ispravnost i funkcionalnost.

Sadržaj separatora ulja i masti se treba redovno kontrolisati i vršiti njegovu čišćenje i pražnjenje od ovlaštene firme, prema posebnom ugovoru, kao i za čišćenje taložnika ukoliko se materijal iz istog neće koristiti u ponovnoj proizvodnji.

Korisnik je obavezan da redovno vodi dnevnik o pražnjenju i odvozu sadržaja separatora ulja, izdvojenim naftnim derivatima i taloga iz separatora ulja.

- 2.10. Vlasnik, odnosno korisnik poslovnog objekta treba tokom godine da obezbijedi minimalno četiri uzorkovanja otpadnih voda iz okna za monitoring, shodno članu 9. i 11. Pravilnika o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije («Službene novine Federacije BiH», broj 50/07).

Kontrola kvaliteta ispuštene tehnološke vode u definisani recipjent, vršit će se u oknu za monitoring (tačka 2.5. ovog rješenja).

Na osnovu četiri uzorkovanja otpadnih voda korisnik poslovnog objekta treba sačiniti završni (godišnji) elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoringa) i rezultatima monitoringa i isti mora biti urađen u skladu sa Pravilnikom o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije («Službene novine Federacije BiH», broj 50/07).

Elaborat o ispitivanju kvalitativnih i kvantitativnih karakteristika efluenta može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 132. stav 1. Zakona o vodama («Službene novine Federacije BiH» broj 70/06) i Pravilnika o uslovima koje moraju ispunjavati ovlaštene laboratorije, sadržini i načinu izdavanja ovlaštenja («Službene novine Federacije BiH» broj 54/99).

3. Korisnik objekta je obavezan da redovno plaća posebne vodne naknade za korištenje voda i za zaštitu voda u skladu sa propisima.
4. Ova vodna dozvola, shodno članu 117. stav 1. Zakona o vodama («Službene novine Federacije BiH», broj 70/06) se daje sa rokom važenja od **5 (pet) godina** od dana izdavanja ovog rješenja, odnosno ova vodna dozvola vrijedi do 14.10.2014. godine.

5. **Ova vodna dozvola prestaje da važi ukoliko Investitor, od trenutka izdavanja iste, ne ispoštuje rokove predviđene za realizaciju određenih aktivnosti u skladu sa tačkom 2.8. ovog rješenja.**
6. U periodu važenja ove dozvole «PAPILON» d.o.o. Čelić je dužan provoditi sve mjere i aktivnosti propisane ovom dozvolom.
7. Ukoliko radom predmetnog poslovnog objekta dođe do šteta ma kakvog karaktera, Investitor je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj vodnoj dozvoli ne mogu se prenositi na treća lica.
9. U ovoj upravnoj stvari plaćene su sve upravne pristojbe.
10. Prije isteka važnosti ove vodne dozvole Investitor – korisnik objekta je dužan da zatraži njeno produženje ili podnese zahtjev za izdavanje nove vodne dozvole.

### **O b r a z l o ž e n j e**

«PAPILON» d.o.o. Čelić se pismenim zahtjevom obratio ovoj Agenciji tražeći izdavanje vodne dozvole za ispuštanje tehnoloških otpadnih voda poslovnog objekta betonare izgrađene na dijelu parcele označene kao k.č. br. 1376 K.O. Čelić, općina Čelić.

U provedenom postupku dostavljena je i pregledana slijedeća dokumentacija:

- Ovjerena kopija rješenja o registraciji u sudski registar kod subjekta upisa «PAPILON» d.o.o. Čelić, broj: 032-0-Reg-07-002008 od 18.01.2008. godine, izdato od strane Općinskog suda u Tuzli.
- Ovjerena kopija uvjerenja o poreskoj registraciji od 06.12.2002. godine izdata od strane Federalnog ministarstva finansija - Porezna uprava – Kantonalni ured Tuzla.
- Ovjerena kopija uvjerenja o registraciji obveznika poreza na dodanu vrijednost broj: 04/1-UPP/1-8571/07 od 01.08.2007. godine izdata od strane Uprave za indirektno – neizravno oporezivanje Banja Luka.
- Ovjerena kopija rješenja o urbanističkoj saglasnosti broj: 05/5-23-594-1/03 od 30.06.2003. godine izdato od strane Službe za urbanizam, prostorno uređenje, stambeno komunalne, imovinsko-pravne, geodetske i poslove prognanih i raseljenih lica općine Čelić.
- Ovjerena kopija rješenja o odobrenju za građenje broj: 05/5-23-594-3/03 od 11.08.2003. godine izdato od strane Službe za urbanizam, prostorno uređenje, stambeno komunalne, imovinsko-pravne, geodetske i poslove prognanih i raseljenih lica općine Čelić.
- Ovjerena kopija rješenja o okolinskoj dozvoli broj: 12-07/2-23-7762-2/2003 od 08.07.2003. godine izdato od strane Ministarstva prostornog uređenja i zaštite okolice Tuzlanskog kantona.
- Elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) rezultatima monitoringa za betonaru Papiilon Čelić, urađen od strane «Instituta za hemijsko inženjerstvo» Tuzla, juna 2009. godine.
- Projekat betonare, urađen od strane d.o.o. «ZIB-PROJEKT» Brčko Distrikt BiH, broj OB-072/03-03/03, na osnovu ove projektne dokumentacije izdata upotrebna dozvola.

-

Nakon pregleda dostavljene dokumentacije, u skladu sa članom 21. stav 5 Pravilnika o sadržaju, obliku, uvjetima, i načinu izdavanja i čuvanja vodnih akata («Službene novine Federacije BiH», br.06/08), izvršen je obilazak predmetne lokacije i tom prilikom sačinjen zapisnik o uviđaju broj: UP-I/25-3-40-340-3/09 od 28.09.2009. godine.

Vlasnik odnosno korisnik objekta je obavezan vršiti plaćanje posebne vodne naknade za ispuštanje otpadne vode u skladu sa Zakonom o vodama («Službene novine Federacije BiH» broj 70/06) i Pravilnik o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH» broj 92/07).

Na osnovu provedenog postupka konstatujemo da Investitor zadovoljava minimum uslova za izdavanje vodne dozvole na određeno vrijeme, te je rješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu iz federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98 i 8/00).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

**Po ovlaštenju  
Rukovodilac sektora za  
izdavanje vodnih akata**

---

**Nedžad Vilić, dipl.inž.građ.**

Dostaviti:

- «PAPILON» d.o.o. Čelić,  
Majevička bb Čelić,
- Federalno ministarstvo poljoprivrede  
vodoprivrede i šumarstva, Sarajevo
- FU za insp. poslove, vodna inspekcija
- AVP Sava, ISV-vodna knjiga
- Sektor 50
- Sektor 40-arhiva